

Elvis Vreto

Zastupnik u Skupštini Kantona Sarajevo

13.radna sjednica

Broj: ____/19

Sarajevo, 25.09.2019.

Dostaviti:

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

n/r predsjedavajući Skupštine Kantona Sarajevo

Uputiti: **Vlada Kantona Sarajevo****Premijer g-din Edin Forto**

Ministarstvo komunalne privrede i infrastrukture

Ministarstvo prostornog uređenja, gradjenja i zaštite okoliša

Ministrastvo privrede

PREDMET: ZASTUPNIČKA INICIJATIVA

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Vladi Kantona Sarajevo, tačnije resornim ministarstvima. upućujem inicijativu da hitno formira

radno ekspertnu komisiju za retroaktivnu analizu svih aktivnosti i rezultata na problematici rješavanja Vodozaštitne zone „Sarajevsko polje“ zatim značajnijim ekološkim projektima u Kantonu Sarajevo kao sto su RCUO tj deponija Smiljevici zbrinjavanje krutog otpada -mulja na uređaju za prečišćavanje otpadnih voda Butile, zbrinjavanje nusprodukata i otpada životinjskog kao i medicinskog otpada, monitoring i poboljšanje kvaliteta zraka te zajednički projekat Kantona/Grada i Općina „Čista rijeka Miljacka „ i da predloži mjere za poboljšanje stanja.

a) Komisija će biti sastavljena od lica iz struke te dobrih poznavalaca ove oblasti koja treba da uradi detaljnu analizu za sve projekte , aktivnosti , načina utroska i visine sredstava te ostvarenih konkretnih rezultata, te da predloži akcioni plan -mjere za poboljšanje stanja.

b) U sastav komisije nemogu biti imenovana lica koja su na bilo koji nacin učestvovala u realizaciji ovih projekata ili su uposlenici organa, pravnih subjekata ili javnih tijela koji su takodjer imali bilo koju ulogu u ovim projektima.

c) Svi organi vlasti u KS, Općine, javni subjekti i pravna lica koja su na bilo koji način učestvovala u ovim projektima dužni su komisiji na njen zahtjev dostaviti tražene podatke i odgovore. Komisija ce prilikom svog rada omogućiti aktivno učesce predstavnika nevladinog sektora iz oblasti okoliša na njihov zahtjev. Tehničku podršku radu komisije obezbjedit će Vlada KS sa Ministarsvima privrede, Komunalne privrede i Ministrastvom za prostorno uređenje, gradjenje i zaštitu okoliša kao i finansijska sredstva za rad. Komisija ce redovno izvještavati putem Vlade KS Skupštinu KS o svojim aktivnostima.

d)) Vlada Kantona Sarajevo će predložiti održavanje tematske sjednice Skupštini Kantona nakon konačnog izvjestaja najdalje za 60 dana od formiranja radno ekspertne komisije po ovoj inicijativi , kako bi Skupštini Kantona raspravila i usvojila novi model djelovanja u ovoj oblasti sa konkretnim mjerama poboljšanja stanja predloženih od strane Vlade KS.

O B R A Z L O Ž E N J E

Siguran sam da smo svi svjesni činjenice problema sa Vodozaštinom zonom, zatim da je stanje u oblasti odlaganja otpada i zaštite okoliša u KS alarmantno pa ću samo podsjetiti na nerješene probleme RCUO tj.deponije Smiljevići i njenog prečistaca voda, jos uvijek nerješeno pitanje zbrinjavanja krutog otpada na prečistaću Butile gdje je do sada odloženo nekoliko desetina hiljada tona ovog mulja i koji predstavlja potencijalnu ekološku bombu.

Takođe znamo za potpuno nerješeno pitanje zbrinjavanja nusprodukata i otpada životinjskog porijekla kojeg u KS nastaje dnevno nekoliko desetina tona te i nepotpuno rješeno zbrinjavanje zdravstvenog otpada. Svjedoci smo zastoja na samom početku kod projekta „Čista rijeka Miljacka“

Moram podsjetiti da sam nakon izvjesnih saznanja zaista iznenađen visinom izdvajanih sredstava za razne elaborate, studije, analize i druge vezane projekte i aktivnosti a nažalost rezultati nisu ni blizu adekvatni uloženim sredstvima.

Nedavno održana vandredna-tematska sjednica Općinskog vijeća NG takođe upozorava i poziva na aktivnije djelovanje kao i održane sjednice u prošlosti Općinskog vijeća Ilidža o problematici Vodozaštitne zone Sarajevskio polje. Vlada KS je djelovala po pitanju RCUO Smiljevići u julu 2019. na način da je održala tematsku sjednicu, načela djelimično procese po tom pitanju, smatram da nam je potreban sveobuhvatan pristup kako bi otkočili procese koji će voditi ka dugoročnim rješenjima.

Gore navedena komisija u ime Vlade mora objediniti sve, zbog podjeljenih nadležnosti po Ministarstvima interresorno pokriti problematiku u saradnji za navedenim Ministrastvima kako bi Vlada i SKS došla do najboljih budućih rješenja.

Prijedlog da u komisiji ne mogu učestvovati lica ili organi i pravni subjekti koji su na bilo koji način povezani da ovim projektima je isključivo vezan za otklanjanje subjektivizma, a kojih primjera je bilo u dosadašnjoj praksi.

Dakle ulažemo ogromna finansijka sredstva u elaborate studije i sl. od kojih bas i nismo postigli poboljšanja stanja pa se nadam da ćemo podržati ovu inicijativu i da ćemo nakon konačnog izvjestaja održati tematsku sjednicu SKS i dizajnirati novi model djelovanja u ovoj oblasti te postizati konkretna i vidljiva poboljšanja stanja.

S poštovanjem.

Elvis Vreto

Zastupnik u Skupštini Kantona Sarajevo

Naša stranka